

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

RJEŠENJE

po Prijavi koncentracije privrednog subjekta Amgen Inc., Sjedinjene Američke Države

Sarajevo
februar, 2018. godine



Broj: UP-01-26-1-036-15/17
Sarajevo, 08.02.2018. godine

Konkurencijsko vijeće Bosne i Hercegovine, je na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, broj 48/05, 76/07 i 80/09), rješavajući po Prijavi koncentracije privrednog subjekta Amgen Inc., One Amgen Center Drive, Thousand Oaks, CA, 91320-1799, Sjedinjene Američke Države, podnesenoj po advokatu Vladimiru Markušu, ul. Srpska 2, 78 000 Banja Luka, zaprimljenoj dana 16.11.2017. godine pod brojem: UP-01-26-1-036-1/17, na 18. (osamnaestoj) sjednici održanoj dana 08.02.2018. godine, donijelo

RJEŠENJE

1. Ocjenjuje se dopuštenom koncentracija na tržištu prodaje gotovih doziranih farmaceutskih proizvoda klase ATC 3 u Bosni i Hercegovini koja nastaje sticanjem pojedinačne kontrole privrednog subjekta Amgen Inc., One Amgen Center Drive, Thousand Oaks, CA, 91320-1799, Sjedinjene Američke Države, nad privrednim subjektom Kirin-Amgen Inc., One Amgen Center Drive, Thousand Oaks, CA, 91320-1799, Sjedinjene Američke Države.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 16.11.2017. godine, pod brojem: UP-01-26-1-036-1/17 zaprimilo Prijavu koncentracije (u daljem tekstu: Prijava) privrednog subjekta Amgen Inc., One Amgen Center Drive, Thousand Oaks, CA, 91320-1799, Sjedinjene Američke Države (u daljem tekstu: Podnosilac prijave ili Amgen), podnesenu po advokatu Vladimiru Markušu, ul. Srpska 2, 78 000 Banja Luka kojom privredni subjekt Amgen namjerava steći pojedinačnu kontrolu nad privrednim subjektom Kirin-Amgen Inc., One Amgen Center Drive, Thousand Oaks, CA, 91320-1799, Sjedinjene Američke Države (u daljem tekstu: Kirin-Amgen), sticanjem 50% dionica.

Podnosilac prijave je samoinicijativno dopunio Prijavu u više navrata i to podnescima: broj: UP-01-26-1-036-2/17 dana 20.11.2017. godine, broj: UP-26-1-036-3/17 dana 24.11.2017. godine, broj: UP-01-26-1-036-4/17 dana 24.11.2017. godine, broj: UP-01-26-1-036-5/17 dana 29.11.2017. godine, broj: UP-01-26-1-036-6/17 dana 05.12.2017. godine, broj: UP-01-26-1-036-7/17 dana 06.12.2017. godine i broj: UP-01-26-1-036-8/17 dana 08.12.2017. godine.

Nakon analize podnesene Prijave i dopuna Prijave, Konkurencijsko vijeće je dana 30.01.2018. godine (akt broj: UP-01-26-1-036-13/17), Podnosiocu prijave izdalo Potvrdu o prijemu kompletne i uredne prijave, u smislu člana 30. stav (3) Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon).

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

Prijava je je podnesena, u smislu člana 16. stav (1) Zakona (pravni osnov je Ugovor o otkupu dionica, zaključen dana 30.10.2017. godine).

Podnosilac prijave je naveo da je zahtjev za ocjenu koncentracije podnio osim u Bosni i Hercegovini, nadležnim tijelima za zaštitu konkurencije u (..)**¹. Podnositelj Prijave je do dana 28.12.2017. godine, dobio odobrenja koncentracije od gore navedenih tijela za zaštitu konkurencije, osim iz (..)**.

1. Učesnici koncentracije

Učesnici koncentracije su privredni subjekti Amgen Inc., One Amgen Center Drive, Thousand Oaks, CA, 91320-1799, Sjedinjene Američke Države i Kirin-Amgen Inc., One Amgen Center Drive, Thousand Oaks, CA, 91320-1799, Sjedinjene Američke Države.

1.1. Privredni subjekt Amgen Inc.

Privredni subjekt Amgen Inc. sa sjedištem uprave na adresi One Amgen Center Drive, Thousand Oaks, CA, 91320-1799, Sjedinjene Američke Države (u daljem tekstu: SAD), je registriran pod brojem 2106150, kao javno društvo listirano za biotehnologiju.

Privredni subjekt Amgen je osnovan u skladu sa odredbama Općeg zakona o korporacijama države Delaware, te je na osnovu potvrde o osnivanju korporacije zaveden u evidenciju Kancelarije državnog sekretara države Delaware, dana 31.10.1986. godine.

Privredni subjekt Amgen nije pod kontrolom nijednog društva, niti lica, a najveća tri dioničara su privredni subjekt Fidelity Management & Research Co., SAD sa 7,55% dionica, privredni subjekt Capital Research & Management Co., SAD sa 7,40% dionica i privredni subjekt The Vanguard Group Inc., SAD sa 7.01% dionica.

Pretežne registrovane djelatnosti privrednog subjekta Amgen su razvoj, proizvodnja i isporuka inovativnih humanih terapija. Privredni subjekt Amgen razvija lijekove u šest terapijskih oblasti: onkologija, kardio-vaskularne bolesti, inflamacija, zdravlje kostiju, nefrologija i neuronauka.

Privredni subjekt Amgen proizvodi i prodaje gotove dozirane farmaceutske proizvode, koji su bazirani na intelektualnom vlasništvu za koje dobija licence od privrednog subjekta Kirin-Amgen.

Proizvodi privrednog subjekta Amgen, između ostalog obuhvataju slijedeće lijekove: Aranesp® (darbepoetin alfa), Enbrel® (etanercept), Neulesta® (pegfilgrastim), Prolia® (denosumab), Sensipar/Mimpara® (sinakalcet), XGEVA® (denosumab) i NEUPOGEN® (filgrastim).

Podnosilac prijave na relevantnom tržištu Bosne i Hercegovine (..)**.

1.1.1. Privredni subjekt Kirin-Amgen Inc.

Privredni subjekt Kirin-Amgen Inc. sa sjedištem uprave na adresi One Amgen Center Drive, Thousand Oaks, CA, 91320-1799, SAD je registrovan pod brojem 2250804, kao korporacija sa pretežnom registrovanom djelatnošću izdavanja licenci za aktivne farmaceutske sastojke koji su bazirani na naprednoj biotehnologiji.

Privredni subjekt Kirin-Amgen je nastao kao zajedničko ulaganje između privrednog subjekta Amgen i privrednog subjekta Kirin Holdings Company Ltd., Tokio, Japan (u daljem tekstu: Kirin Holdings). Privredni subjekti Amgen i Kirin Holdings imaju po 50% dionica u osnovnom kapitalu privrednog subjekta Kirin-Amgen.

¹ (..)** - Podaci predstavljaju poslovnu tajnu, u smislu člana 38. Zakona o konkurenciji.

Privredni subjekt Kirin-Amgen izdaje licence za određena prava na proizvode koja su privredni subjekti Amgen i Kirin Holdings prenijeli na zajedničko ulaganje, uključujući prava na lijekove: filgrastim (Neupogen®), pegfilgrastim (Neulesta®), darbepoetin alfa (Aranesp®), romiplostim (NPlate®), rekombinantni humani eritropoetin i brodalumab.

Privredni subjekt Kirin-Amgen ostvaruje prihode izdavajući licence za gore pomenute proizvode, preko svoja dva matična društva Amgen i Kirin Holdings, te privrednog subjekta Johnson & Johnson koji je nezavisan od pomenutih društava.

Privredni subjekt Kirin-Amgen na mjerodavnom tržištu Bosne i Hercegovine (..)**.

2. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udjel učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije na dan 31.12.2016. godine:

Tabela 1.

KM	Amgen	Kirin-Amgen
Svijet	(..)**	(..)**
Bosna i Hercegovina	(..)**	(..)**

Izvor: podaci iz Prijave, (..)**

Ukupan prihod svih učesnika koncentracije ostvaren na svjetskom tržištu iznosi (..)** KM, dok su na teritoriji Bosne i Hercegovine ostvarili pojedinačne prihode, (..)** KM i (..)** KM.

Podnosilac prijave je ostvario prihod na tržištu Bosne i Hercegovine prodajom svojih proizvoda preko distributera, privrednog subjekta (..)** i to uglavnom prodajom lijeka (..)**.

Prema navedenim podacima (Tabela 1.) učesnici koncentracije ne ispunjavaju uslov ukupnog godišnjeg prihoda, iz člana 14. stav (1) tačka b) Zakona, ali prema podacima iz Tabele 2. Podnosilac prijave ispunjava uslov o tržišnom udjelu (tržišni udjel na relevantnom tržištu veći od 40%), propisan članom 14. stav (1) tačka b) Zakona.

Također, Konkurencijsko vijeće je utvrdilo da se radi o eksteritorijalnoj koncentraciji obzirom da ista, ima uticaj na tržište Bosne i Hercegovine, isključivo preko prodaje proizvoda učesnika koncentracije na navedenom tržištu, te da je Podnosilac prijave bio u obavezi prijaviti koncentraciju, u smislu člana 2. stav (3) Zakona.

3. Pravni osnov i oblik koncentracije

Pravni osnov koncentracije je Ugovor o otkupu dionica, zaključen dana 30.10.2017. godine (u daljem tekstu: Ugovor) između privrednih subjekata Kirin-Amgen, Kirin Holdings i Amgen, na osnovu kojeg će privredni subjekt Amgen indirektno, preko privrednog subjekta Kirin-Amgen steći 50% dionica koje su vlasništvo privrednog subjekta Kirin-Holdings, što predstavlja prelaz iz zajedničke kontrole u pojedinačnu kontrolu nad privrednim subjektom Kirin Holdings.

Nakon realizovanja Ugovora, privredni subjekt Amgen će imati 100% dionica privrednog subjekta Kirin-Amgen, samim tim i isključivu kontrolu nad istim.

U skladu sa naprijed navedenim, na osnovu člana 12. stav (1) tačka b) pod 1. Zakona, pravni oblik koncentracije je sticanje kontrole jednog privrednog subjekta nad drugim privrednim subjektom, kupovinom većine dionica u osnovnom kapitalu.

4. Pravni okvir ocjene koncentracije

Konkurencijsko vijeće je u postupku ocjene koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata.

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupnji relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, kao relevantno tržište proizvoda i/ili usluga utvrđeno je tržište prodaje gotovih doziranih farmaceutskih proizvoda klase ATC 3, obzirom da je privredni subjekt Amgen prisutan na tržištu Bosne i Hercegovine kroz prodaju gotovih doziranih farmaceutskih proizvoda klase ATC 3 putem privrednog subjekta (..)***, dok istovremeno ciljano društvo Kirin-Amgen, putem izdavanja licenci za aktivne farmaceutske sastojke, kao takav nije prisutan na tržištu Bosne i Hercegovine.

Budući da Podnosilac prijave prodaje svoje proizvode putem distributera, privrednog subjekta (..)** na području cijele Bosne i Hercegovine, relevantno tržište u geografskom smislu je tržište Bosne i Hercegovine.

Slijedom navedenog, pod relevantnim tržištem predmetne koncentracije, smatrat će se tržište prodaje gotovih doziranih farmaceutskih proizvoda klase ATC 3 u Bosni i Hercegovini.

6. Analiza tržišta koncentracije

Podnosilac prijave je prisutan na relevantnim tržištu u Bosni i Hercegovini kroz prodaju farmaceutskih proizvoda, koji su bazirani na intelektualnom vlasništvu za koje dobija licence od privrednog subjekta Kirin-Amgen.

Pregled tržišnih udjela učesnika koncentracije i glavnih konkurenata na tržištu prodaje gotovih doziranih farmaceutskih proizvoda klase ATC 3 u Bosni i Hercegovini za 2016. godinu (ATC 3, (..)**):

Tabela 2.

Red. broj	Privredni subjekt	Proizvod	AFS	Prodaja (KM)	Tržišni udjel
1.	Amgen (Kirin-Amgen)**	(..)**	(..)**	(..)**	(..)**
2.	Galenica/Roche	(..)**	(..)**	(..)**	(..)**
		(..)**	(..)**	(..)**	(..)**

3.	Sandoz/Hexal	(..)**	(..)**	(..)**	(..)**
4.	Johnson & Johnson	(..)**	(..)**	(..)**	(..)**
5.	Hemofarm	(..)**	(..)**	(..)**	(..)**
	Ukupno	-	-	(..)**	100%

Izvor: Podaci iz prijave (izvor podataka je IMS Health), (..)**

Na osnovu podataka prikazanih u Tabeli 2., Konkurencijsko vijeće je utvrdilo da je u 2016. godini tržišni udjel privrednog subjekta Amgen, prešao procenat od 40% na tržištu prodaje gotovih doziranih farmaceutskih proizvoda klase ATC 3 ((..)**), što je i bio osnovni razlog za prijavu predmetne koncentracije.

7. Ocjena koncentracije

Konkurencijsko vijeće je analizom podataka, u smislu člana 17. Zakona, ocijenilo da provedba predmetne koncentracije ne vodi horizontalnom preklapanju učesnika koncentracije, obzirom da privredni subjekt Amgen djeluje na silaznom tržištu prodaje gotovih farmaceutskih proizvoda, dok privredni subjekt Kirin-Amgen, isključivo obavlja djelatnost izdavanja licenci za gotove farmaceutske proizvode.

Konkurencijsko vijeće je zaključilo da predmetna koncentracija ne sprječava, ograničava niti narušava tržišnu konkurenciju na relevantnom tržištu prodaje gotovih doziranih farmaceutskih proizvoda klase ATC 3 u Bosni i Hercegovini, jer nakon provođenja koncentracije tržišni udio privrednog subjekta Amgen ostaje nepromjenjen, odnosno ne dolazi do promjene pozicija na relevantnom tržištu u Bosni i Hercegovini.

Imajući u vidu navedeno, Konkurencijsko vijeće je odlučilo kao u tački 1. dispozitiva ovoga Rješenja.

8. Administrativna taksa

Podnosilac prijave na ovo Rješenje, u skladu sa članom 2. Tarifni broj 107. tačka d) pod 1) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednik

Ivo Jerkić